



DOUE HOR MESTR

AIR : *Nous voulons Dieu.*

1.

Euz an'n envou, mam santez Anna,
 Sellit a druez ouz hor bro,
 Evit hor feiz e maoumb o krena,
 Hor stad a zo kriz ha c'huero.

DISKAN.

Mari, mam drugarezus,
 Roït sikour d'hon ene !
 En'n hor c'halon ra vevo Jesus, } *bis.*
 Hon Doue, hon Tad ag hor Roue ! }

2.

Ho pet truez, Salver benniget,
 Lakit ho kroaz da ren e Breiz,
 Hon diouallit euz an drouk-speret,
 Dalc'hit, kreskit ennomp ar Feiz.

3.

Doue, Doue, ra vezo meulet
En'n hon touez ha da viken !
Doue, Doue, ra vezo karet
Stard ha guirion gant peb kristen !

4.

Ra vo Doue mestr en'n hor skoliou,
Ma vo desket d'hor bugale
E aviel ag e lezennou,
E zoujans ag e garante.

5.

Ra vo Doue mestr en tiegez,
Doue ag ar Verc'hez Vari,
Ag he lezen a reno bemdez
Ar zervicherien, ar vistri.

6.

Pa za paotred yaouank hor Breiz
Da zervich ar vro en'n arme,
Guerc'hez Vari, dalc'hit ho feiz,
Kreskit en'n ho doujans Doue.

7.

E peb leac'h, o Salver Jesus,
Bepred, ni a fell deomp guelet
Savet huel ho kroaz presius,
Gant-hi holl ni 'zo bet prenet.

8.

Ar groaz sounn var bord hon henchou,
Ag a zioc'h penn ar varnerien,
Ar groaz enoret en'n hor skoliou
Ag he kalon holl gristenien.

9.

Ni a vezoo fidel da Jesus,
Keit a teuio koumou ar mor
Da skei, goustadik pe c'hourduszus,
Var lez kerrez euz hon Arvor.

10.

Var an dachen keit a vo bleuniou,
Keit a vo bruk var ar menez,
Bepred e trido hor c'halonou
O sonjal en'n he vadelez.

11.

Evit rei testeni da Zoue,
Evit difen he aviel,
Evit savetei hon ene,
Ni holl a zo prest da vervel.

12.

Lakit ho lezenn, o va Doue,
Da ren e pevar c'horn ar bed,
Ag ho karantez e pep ene,
En'n ho koad holl int bet goualc'het.

Petra dalv guisiegez,
Mar kollomp hon ene ?
Ar skiant, ar furnez
A deu d'omp euz an e.

Guechall hon tadou koz,
Brudet 'vit ho furnez,
A glaske 'r Baradoz
Araok pep guisiegez.

Skianchou 'zo netra,
Pa'z eont enep Doue ;
Ni fell d'omp dreist pep tra
Savetei hon ene.

Guerc'hez, hor Mamm zantel,
Roït sikour heb dale ;
E plegou ho mantel,
Kusit hor bugale.

C'houi a zo gallouduz
Var galoun hor Zalver,
Bezit madelezuz,
C'houi 'zo eur Vamm dener.

E pevar c'horn ar vro,
Neuze, ni holl, Guerc'hez,
Beteg heur hor maro,
Ni a gano bemdez :

PERMIS D'IMPRIMER

Septembre 1882.

DU MARHALLAC'H,

vic. gén.

Quimper

LIBRAIRIE CATHOLIQUE ET CLASSIQUE J. SALAUN

(Tous droits réservés.)